

JUNIOR SECONDARY CERTIFICATE

RUMANYO FIRST LANGUAGE

1107/4

PAPER 4 Literature

2 hours

Marks 60

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **three** questions, **one** from Section A **Poetry**, **one** from Section B **Drama** and **one** from Section C **Prose**.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

MARONDORO NAMAPUKURURO KUMUHAMENI MUMAKONAKONO

- Tjanga malimbururo ghoye muMbapira yaKulimbwilira oyo vana tapa.
- Tjanga Nomora yaMuhameni mumakonakono naLidina paMbapira yaKulimbwilira.
- Tjanga nashitjangito shashinaliwiru nampiri shashitipu.
- Wa sha rughanita shidongonito shamema-mema.

- Limburura mapuro **matatu**, **limwe** mulipongonyono A **Mutango**, **limwe** mulipongonyono B **Shidanauka**, **limwe** mulipongonyono C **Porosa**.

- Una hepa kupakera mbiri unene lishantjo, viyivitovaruro nalitungontanto.
- Vitwa vya pwa kutura mutuhaki [] kuuhura wakehe lipuro mpiri ruha rwalipuro.

This document consists of **10** printed pages.



Republic of Namibia

MINISTRY OF EDUCATION, ARTS AND CULTURE

LIPONGONYONO A: MUTANGO

Limburura mo lipuro **limwe** tupu muruha runo.

Shikwangwa: Komiti yaRumanyo

1 Varura nawa mutango makura u limburure mapuro.

Ndi mo na yivire

Name na kushongire
Ni mu pampi nakaliro ve
U limburuki ne wande
Name shure na yimbire

Upangi wandukulire mushima ve
Urongi wantwire ngudu ve
Kushakare mbyevi tupu viviri no
Vya roghiliro ngudu vakamali no

Ove rorera tupu vaunyoye mwevi
Ove komoka tupu vaholi voye mwevi
Ove kapishi nove koko ve
Ove vyoye, mbyevino vyande

Weni ngoli nwe vava
Ame ne Mukangombe
Anwe Vakayovhu sha
Pashitungarongo mo vya kalire

Nyuku mbiri naye mushitoshwa
Ntjiraura shi me kuni twikira
Ove shitanga shaude ka vorere kunya
Ani ndi mo naviyiree

Nke ni para ngoli me
Runo ruvharo ngoli
Kumupara livhu ngoli nwe
Shiri shashiri ashi
Ndjovhu wa ha pumbo

(Mukoya Mate)

- (a) Kutwara mumutango uno vinke a tamba mutangi nashiparatjangwa shendi shino “Ndi mo na yivire”? [2]
- (b) Fwaturura ngambito dino mbiri odo dina tundo mumutango ghuno.
 (i) “Ndjovhu wa ha pumbo” [2]
 (ii) “Shitanga shande ka vorere kunya” [2]
- (c) Vinke ana kunegheda mutangi kuvavaruli kuhamena upangi naurongi mumutango ghuno? [2]
- (d) Makughoshagharo gharudi munke a rughanita mutangi mushinemaghano shaune mumutango ghuno? Gha neghede. [3]
- (e) Shinka munke ana kara nasho mutangi kuhamena ovyo vya shorokerango vimpumba mumutango ghuno? [3]
- (f) Vare ghuna kukorangeda mutango ghuno ? Nkondopeka lilimbururo lyoye. [3]
- (g) Shishongero munke ghuna wana mo mumutango ghuno? Tjanga ko **vitatu**. [3]
- [20]**

NDI

2 Varura nawa mutango uno makura u limburure mapuro.

Uguni

Shitondo shauguni
Kuyima ko maguni
Maguni ghakukushuvashuva
Ghamawa naghamadona

Uvando waliguni
Kushitondo shauguni
Ghashikandi naghakupya
Mushitondo shauguni

Kuwa kwaliguni
Mushitondo shaUguni
Utovara waliguni
Uwa washitondo shaliguni

(Poroto L. Bernadine)

- (a) Vinke shina kutanta shiparatjangwa shamutango ghuno? [2]
- (b) Mutango warudi munke ghuno, tapa konda? [2]
- (c) Kuvare ghuna tamba ghuno mutango ntani vinke ghuna kuvighambera ngoweyo? [3]
- (d) Vinke ana tamba mutangi mutango uno mushinemaghano shautatu? [4]
- (e) Fwaturura ashi weni gha karanga maguni kushitondo kutwara mutango ghuno? [2]
- (f) Makughoshagharo gharudi munke a rughanita mutangi mushinemaghano shakutanga mumutango ghuno? Gha neghede. [8]

[20]

LIPONGONYONO B: SHIDANAUKA

Limburura mo lipuro **limwe** tupu muruha runo.

Mumpadi Dakare: H. N. Dias

3 Muliyuva lyakuhova lyashivike shamwedi waMangundu mpo va yendire vantu vapaRukombo, Kakundukundu, Shamayoka, Diraghu, Mbiyi naMangarara va ka shovonge mulidiva IyaShamwi kuKafuro. Vantu kwa ka di kwatire shiri ntjwi. Kungurova makura ava kutwika-twika vididi navikuku namaronga ghakuyura ntjwi va vyuka-vyuke ngoli kumandi ghavo. Mashasha kwa gha perayikire mumawato ghagho vana gha ghanga-ghanga ano vanuke ku nashungiri po, mawato kuna kuvoghera gha kwamite musheli munya. Vakamali navakafumu vamwe navamati vanakadona vavo kuna kughoneke va kukwame mundjira oyo ya kwamitiro pepi namukuro va tambe upumeyuva. Pakuyatika kumandi makura kuyara-yara vihehe va tura-ture po ntjwi dinya. Mundi naghuntje kunuka yira mpopo va raranga vankororo. Opo a monine Shimbarankuru shaMushishi makura a vi mu ghayalita ngoli vyakuhamena kuruyendo.

Shimbarankuru : Ntjwi ne muna ka yita ano mungwa ne kwato. Mpiri mungwa wakagorogogo nagho shi da mana kupesha ngombe.

Mwengerenkuru : Kamungwa mpo ka li ko kakutova mo muno muntjwi.

Shimbarankuru : Yona kuna kuyenda kuvana vande novatekuru vande novaghuni vande kuMuhopi na shana kukakengera po vana vande Nangura nanturaghumbo yendi Auguste waHashipembe. PaKatimba ne Nantapo namukadendi Kanona. PaUtokota ne monande Mukuve ano kuGove vaghuni vande vaMushishi.

Haikera : Nare ngoli ngamu yenda.

Shimbarankuru : Kuyenda tupu mpiri pantjande. Kundutita tupu makura ngani kwamita dogoro kuMuhopi nko ngani ka rara. Liyuva lyokukwama ko ngani karare paKatimba, lyo kukwama ko paUtokota lyokukwama ko kukayushara kuGove makura kuyararera paMuhopi ano lyokukwama oko makura ngani ka vyuka. Na shana ngani ka yite ko shighuvo nokapoto mokudungirira turumbororo.

Haikera : Ndi kuna taterere dogoro ngava pirukire ko vantu ntani ngamu yenda navo. Ntantani ameshi ntjene tupu kuvikuni muna yendi nkwandi kukamukonderera kuNivi. Ntjene amu yendi pantjenu nda nkwandi mbongi yaShambyu ndjo ngayi ka mu kondero.

Shimbarankuru : Kare na yekeda kuyenda ko, mwa mona rumwe ashi ni na puka ndi.

- (a) Vinke ana kunegheda mutjangi kuvavaruli kuhamena mudingu waShimbarankuru mushidanauka shino? [3]
- (b) Vya wapire ndi kapi vya wapire ovyo a tumbire Shimbarankuru ruyendo a ka dingure vavendi? [4]
- (c) Likuyuvho munke wa kalire nalyo opo wa varulire ashi Shimbarankuru ana ka vyuka kuViye ? Nkondopeka lilimbururo lyoye. [3]
- (d) Fwaturura nkango odo dina tundo mumbapira yino
- (i) Shihehe [2]
- (ii) Utighona [2]
- (e) Viviyauka vyamudani ke ovyo wa hora po navi wa dira kumuhorera po ngudu. [3]
- (f) Vinke wa kushongera ko kuukaro waShimbarankuru kumeho a ka tumbe ruyendo rwakukadingura valiro lyendi. [3]
- [20]**

NDI

4 *Maliyuva lyaune kungurova hawe navantje ava ka vyuka-vyuka ano nko kukaponga kulipata lyaMwengerekuru.*

Shimbarankuru : Amwe vatekuru vande pano nani pamukunda munke?

Mumati 1 : PaUvhunguvhungu.

Shimbarankuru : Ntjene paUvhunguvhungu ka tanterenu vana vande vaPoroto naNdambu ashi va ndjitire ko mema namurarero.

Mumati 1 : Ashi anwe vare ngoli.

Shimbarankuru : Ashi ame Shimbarankuru shaMushishi.

Mumati 2 : Ove mwena ngoli wa sha ghambaura nka. Ogho mukurukadi murodi wamunene, kapi wa mu yuvha.

Vamati ava ka ghambaura vavo kuna kushinga shivunda shavo va kandwite kumundi. Vamati vashivunda shautatu navo ngombe davo kuna kuyapita.

Shimbarankuru : Anwe vatekuru vande, kuvhura mu ka yende kumundi waPoroto naNdambu mu kava tantere ashi nyokwenu Shimbarankuru mpwa li muunkudi wakundjira. Ntjene vaPoroto naNdambu mandi ghavo ure, mpiri Nankali yaPitjo ndje muna ka tantera.

Mumati 3 : Ashi anwe vare ngoli?

Shimbarankuru : Ashi ame Shimbarankuru shaMushishi.

Mumati 3 : Oku muna kutunda ngoli.

Shimbarankuru : Ame kuMuhopi nina tundu ngurangura.

Mumati 3 : Oku muna kuyenda ngoli?

Shimbarankuru : KuRukombo ano kuna pempuka mundjira mbyo ni na faghana dogoro kuno. Kuna kurara ano yona ngurangura makura ngani vyuke kuliyinga lyaRukombo.

- (a) Kutwara mushidanauka shino vinke vina ka ku renkito nove u ka vi pure ashii Shimbarankuru kwa pukire? [3]
- (b) Likuyuvho munke una kara nalyo kuhamena omo va mudipaghire Shimbarankuru? Nkondopeka lilimbururo lyoye. [4]
- (c) Vinke vina ka ku renkito u kanyenge ndi u kahore Poroto naNdambu mushidanauka shino? [3]
- (d) Kutwara mumbapira yino weni omo daya ku kunena nguli odo sha tantire shidira ashii “Rutwaghu! Rutwaghu! Na vi mono! Na vi mono! Nane nkore! Nane nkore!” mumbapira yino. [3]
- (e) Fwaturura nkango dino dina tundo mumbapira yino
- (i) Mutupo [2]
- (ii) Mpana [2]
- (f) Vinke ovyo una ku shongere po pampanguro yamfa daShimbarankuru mushidanauka shino? [3]
- [20]**

LIPONGONYONO C: POROSA

Limburura mo lipuro **limwe** tupu muruha runo.

Kashuta Mukokerambanga: H. N. Dias

5 Karukango

Ava tweda muniro ano kumona Karukango namukamali wendi. Vantu vana tetuka nakutukuka. Kuduka nakuwapa shi kushamberera nakuwapa shi yira navintje kundjodi vene. Ngurangura mpo va shapukire vaKarukango namukamali wendi va yende kuLuanda ano litamu ali kutitunuka lifeshite lyalinene. Kuruku yamayuva maviri ava ka tika mumukunda waKayundu ano ava kava yarera momunya mundunda a ka ralire Karukango pakuhova. Matiku ghanya hawe turo twatuwa tupu. Ngurangura yakukwama ko kuvareka kuyenda ashi va ka rarere kuLubango. Kutika pakatji hawe mukamali ana fu linota ano nko kumushuva kuna shungiri munda yashitondo kuntere yandjira. Karukango a ka yenda kumukuro a ka yite kumema. Apa a ka yire kurevareva mukamali wendi pwato. Kuvarera-varera kukenga makondo ghakakambe mo ghana ka yenda ghana tamba kuLubango. Karukango nko kushikumata puta, puta, puta. Kughayara mukamali wendi hawe kuna kulira. Ngoweyo a kalilire kuvarera dogoro kuyatika kungurova yayinene muLubango. Munya ndjugho dingi nakuyiva shi ngoli ashi kuni oku kasha a ka mu paparere mukamali wendi. Kuyuvha ko ngendjo kuna kutoghona ano vantu kuna kughamba kumbako ashi yona likwareko lyalinene lyaMusikadoro Mario Manuela oghu ana ka shimbo mukadona oghu ngava mu kwareka naye. Karukango kuyuvha ko ana tukuka shiri.

- (a) Kutwara omo wa varura shitimwitira shino shaKarukango, mudani munke ogho a kuyendo po ngudu kumutjima ntani morwa vinke una kuvi ghambera ngoweyo? [3]
- (b) Likuyuvho munke wa kalire nalyo opo wa varulire omo ana kushana-shana Karukango mukamali wendi mushitondo omo a mu shuvire? Nkondopeka lilimbururo lyoye. [4]
- (c) Vinke ana kunegheda mutjangi kuvavaruli kuhamena vahona navarughani vavo mushitimwitira shino? Tjango ko **vitatu**. [3]
- (d) Koye ko ove, vya wapire ndi kapi vya wapire ovyo va mu rambwitire Karukango mumfa, mushitimwitira shino? [4]
- (e) Weni omo una ka tjangurura ukaro waMusikadoro Mario Manuela opo a ka kalire kunkwara daKarukango naAngela da Costa mushitimwitira shino? [3]
- (f) Vinke wa kushongera ko kulitokoro oloyo a rughanine Nguuru da Costa mushitimwitira shino? [3]

[20]

NDI

6 Mantaragera

Mantaragera kwa tungire paYaro musheli munya yamukuro waKavango. Uye kwa kwalire vakamali vaviri umwe Mugciriku ano umwe wa Munyemba wakutunda kuMavamba. Mwaka dingi da kapito ano Mantaragera uye a hana kukadingura vamukwarero vendi. Liyuva limwe mpo a tantilire vakamali vendi va mu rughanene nkuta yakulya mundjira yakuyenda kuMavamba a ka dingure mukwarero wendi.

Mwaka dinya hawe ndjira kwa vipire ngudu-ngudu kumagima ano nka mandi kwato gha kaliro pakatji ntjene una ka ruta mukuro waNyemba ndi waKwitu.

Nangurangura yayinene shikondomboro shakuhova tupu hawe Mantaragera kare ana damuna tunguvo nankuta nambo narufuro nambere yashinyemba nalighonga a ka yende. Shimpe mundema vene kutundulira paYaro a geme a tete wiya a tambe mukuro waNyemba. Apa lya ka pumine liyuva hawe an aka tika kumukuro waNyemba ano nko kuyenda pamundi waShamununga va ka mu rutite. Apa va ka tikire musheli yamukuro waNyemba mpo a ghambire Shamununga: "Ove Mantaragera, weno wa kona kuyenda muShekerera u ka rare mumund waKatanga ano vantu kwa mu twenyanga ashi Kayokonkuru. Yona ngurangura ntani ngau twikira ruyendo roye ano ngoli kutaterera dogoro ali pumu liyuva morwashi ndjira oyo ya mana vantu."

Mantaragera nko kukayenda dogoro a ka tika mumundi waKayokonkuru. Ngurova yinya hawe ndjoyera mpo yina kahura panya. Ava mu tantere ashi kare shiri va hura kumona

- (a) Shinka munke ana kara nasho mutjangi kuvavaruli kuhamena mapara mushitimwitira shino ? [3]
- (b) Nke yina kutanta nkango nkuta? [2]
- (c) Koye ko ove , weni omo lya ku kenena litokoro lyaMantaragera lyakukomba mukadendi waMunyemba mushitimwitira shino? [3]
- (d) Weni omo una katjangurura ukaro waMantaragera mushitimwitira shino? [4]
- (e) Tjanga ko omo ana negheda mutjangi uwa naudona wakukara namaturayi mushitimwitira shino ? [4]
- (f) Vinke wa kushongera po pankwara daMantaragera mushitimwitira shino ? [4]

[20]